

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 475458 24 St
Tuzla, 13.08.2025.godine

Općinski sud u Tuzli, sudija Antonela Đaković kao stečajni sudija u stečajnom postupku nad stečajnim dužnikom dužnika „NATIA“ d.o.o. za transport, vanjsku i unutrašnju trgovinu, ugostiteljstvo, usluge i ostale usluge Tuzla, ul. Prekinute mladosti br. 1., nakon provedenog prethodnog stečajnog postupka donio je dana 13.08.2025.godine slijedeće:

R J E Š E N J E

OTVARA SE stečajni postupak nad imovinom dužnika „dužnika „NATIA“ d.o.o. za transport, vanjsku i unutrašnju trgovinu, ugostiteljstvo, usluge i ostale usluge Tuzla, ul. Prekinute mladosti br. 1., MBS: 1-11043, JIB: 4209446760000, račun broj: 1321000309187314, otvoren kod NLB Banka d.d. Sarajevo.

Za stečajnog upravnika imenuje Senad Uzunić iz Tuzle, ul Izeta Sarajlića br. 5 C.

ZAKLJUČUJE SE stečajni postupak nad imovinom dužnika „NATIA“ d.o.o. za transport, vanjsku i unutrašnju trgovinu, ugostiteljstvo, usluge i ostale usluge Tuzla, ul. Prekinute mladosti br. 1., zbog platežne nesposobnosti dužnika, odnosno prestanka rada društva, te neostvarivanja poslovnih prihoda iz registrovane djelatnosti.

Rješenje će se objaviti na Oglasnoj tabli suda, WEB stranici suda, Službenim novinama F BiH, te dostaviti FIA-i.

Pravne posljedice zaključenja stečajnog postupka nastupit će po proteku osam dana od dana objavljivanja rješenja u „Službenim novinama F BiH“, a pravosnažno rješenje će se dostaviti Odjeljenju registra ovog suda, radi brisanja stečajnog dužnika iz sudskog registra.

O b r a z l o ž e n j e

Rješenjem Općinskog suda u Tuzli broj 32 0 St 475458 24 St od 12.03.2025. godine, pokrenut je prethodni postupak radi utvrđivanja uslova za otvaranje stečajnog postupka nad imovinom dužnika dužnika „NATIA“ d.o.o. za transport, vanjsku i unutrašnju trgovinu, ugostiteljstvo, usluge i ostale usluge Tuzla, ul. Prekinute mladosti br. 1., a za privremenog stečajnog upravnika imenovan je imenuje Senad Uzunić iz Tuzle, a sve temeljem člana 61. Zakona o stečaju (Sl. novine F BiH 53/21).

Privremeni stečajni upravnik dostavio je izvještaj o provedenom prethodnom postupku ovom sudu dana 10.04.2025.godine. Iz izvještaja privremenog stečajnog upravnika proizilazi da je društvo imalo poslovne aktivnosti do 2005 godine, kada je ugašen i zadnji transakcijski račun, zbog određenih problema izazvanih poremećajem tržišta, društvo je registru suda te iste godine utvrdilo i prestanak djelatnosti. Zatim, stečajni upravnik je utvrdio da je vlasnik društva Ademir Smajlović, te da je zakonski zastupnik istog Edin Kapetanović - direktor bez ograničenja, na dan otvaranja prethodnog postupka društvo nije imalo zaposlenika, niti pokretne i nepokretne imovine. Društvo ne posluje jer su mu svi računi otvoreni kod poslovnih

banaka ugašeni, da stečajni dužnik ne raspolaže imovinom kojom bi pokrio troškove stečajnog postupka. Društvo ima obaveze po osnovu javnih prihoda u iznosu od 42.928,00 KM prema Poreznoj upravi FBiH, KPU, PI Tuzla, dok nema obaveze prema UINO BiH a tačan iznos obaveza može biti utvrđen prijavama, povjerilaca. Na osnovu svega navedenog stečajni upravnik je mišljenja da su ispunjene pretpostavke za otvaranje stečajnog postupka nad imovinom dužnika „NATIA“ d.o.o. za transport, vanjsku i unutrašnju trgovinu, ugostiteljstvo, usluge i ostale usluge Tuzla, ul. Prekinute mladosti br. 1.

U smislu odredbe člana 103. stav 1., a u vezi sa odredbom člana 102. stav 7. Zakona o stečaju F BiH („Sl novine F BiH“ broj 53/21), a budući da dužnik ne raspolaže sredstvima za vođenje stečajnog postupka iz kojih bi se mogli podmiriti troškovi stečajnog postupka, sud je Javnim pozivom od 23.03.2025.godine pozvao predlagača, povjerioce i sva zainteresovana lica da u roku od 30 dana od dana objavljivanja poziva u službenim novinama uplate iznos od 5.000,00 KM na ime otvaranja stečajnog postupka, iz kojeg predujmljenog iznosa bi se pokrili troškovi stečajnog postupka.

Rješenje kojim se pozivaju predlagač, povjerioci i sva zainteresovana lica objavljeno je u Službenim novinama F BiH broj 35/2025 dana 14.05.2025.godine, oglasnoj tabli suda dana 24.03.2025. godine i na web stranici suda.

Obzirom da u ostavljenom roku koji je propisan zakonom povjerioci ili neko od zainteresovanih lica nije izvršio uplatu predujma za finansiranje troškova stečajnog postupka, sud je u smislu odredbe člana 102. stav 8. Zakona o stečaju, donio odluku o otvaranju i zaključenju stečajnog postupka, na način određene u izreci rješenja.

Temeljem odredbe člana 102. stav 8. Zakona o stečaju, rješenje o zaključenju stečajnog postupka dostavlja se nadležnom tužilaštvu Tuzlanskog kantona, Poreskoj upravi FBiH i Upravi za indirektno oporezivanje BiH.

Nadalje, temeljem odredbe člana 204. stav 1. i 3., a u vezi sa odredbom člana 190. stav 10. Zakona o stečaju, rješenje se ima objaviti na oglasnoj tabli suda, WEB stranici suda, Službenim novinama F BiH te dostaviti za FIA, dok je odredbom člana 204. stav 2. istog Zakona propisano da pravne posljedice zaključenja stečajnog postupka proizvode pravno dejstvo u roku od 8 dana od dana objave ovog rješenja u Službenim novinama F BiH.

Odluka o brisanju pravnog lica iz javnih registara temelji se na odredbi člana 204. stav 5. Zakona o stečaju.

Na osnovu odredbe člana 206. stav 2 Zakona o stečaju, osnivač društva je dužan preuzeti arhivsku građu i istu predati nadležnom arhivu na čuvanje.

Temeljem odredbe člana 102. stav 8. Zakona o stečaju sud je postupio kao u izreci rješenja.

Stečajni sudija
Antonela Đaković

POUKA O PRAVNOM LIJEKU: Protiv ovog rješenja stečajni povjerioci i stečajni dužnik mogu izjaviti žalbu Kantonalnom sudu Tuzla, putem ovog suda, u roku od 8 dana, od dana objavljivanja rješenja u Službenim novinama.